

ქალაქი ბათუმი

22 იანვარი 2020 წელი

ერთი მხრივ, აჭარის ავტონომიური რესპუბლიკის განათლების, კულტურისა და სპორტის სამინისტრო (შემდგომში „შემსყიდველი“), წარმოდგენილი მინისტრის პირველი მოადგილის, ჯემალ სურმანიძის სახით და მეორე მხრივ, შპს „მარლეი“ (შემდგომში „მიმწოდებელი“) წარმოდგენილი დირექტორის, ლეილა სეფერთელაძის სახით, „სახელმწიფო შესყიდვების შესახებ“ საქართველოს კანონის და შპს „მარლეი“-ს წარმოდგენილი სატენდერო წინადადების საფუძველზე, შემსყიდველის მიერ ჩატარებული ელექტრონული ტენდერის (სატენდერო განცხადება N **NAT190025977**) შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებული ტერმინების განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომ „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება მასზე თანდართული ყველა დოკუმენტითა და დამატებებით, რომელიც ხელმოწერილია მხარეთა მიერ;
- 1.2. „ხელშეკრულების ღირებულება“ - ხელშეკრულების ჯამური ღირებულება, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულების სანაცვლოდ;
- 1.3. „შემსყიდველი“ - ორგანიზაცია, რომელიც ახორციელებს შესყიდვას;
- 1.4. „მიმწოდებელი“ - პირი, რომელიც ახორციელებს მომსახურების გაწევას მოცემული ხელშეკრულების ფარგლებში;
- 1.5. „დღე“, „კვირა“, „თვე“ - კალენდარული დღე, კვირა, თვე;
- 1.6. „მომსახურება“ - ხელშეკრულების მე-2 მუხლით გათვალისწინებული ხელშეკრულების საგანი;

2. ხელშეკრულების საგანი

- 2.1. ხელშეკრულების საგანია პროგრამის "კულტურის სფეროს წარმომადგენელთა პროფესიული განვითარების ხელშეწყობა" ფარგლებში ღონისძიების ორგანიზება (CPV-79952000) კერძოდ, პროექტის „TAFU-FIIS- მარადიდის ზამთრის სკოლის“ მონაწილეთა კვებით უზრუნველყოფა, სასტუმროში განთავსება და შრომის ანაზღაურება.

(შემდგომში - შესყიდვის ობიექტი და/ან მომსახურება).

- 2.2. გასაწევი მომსახურების აღწერილობა მოცემულია დანართი N1-ში (შესყიდვის აღწერილობა) და დანართი N2-ში (ფასების ცხრილი), რომლებიც თან ერთვითან ხელშეკრულებას და წარმოადგენენ მის განუყოფელ ნაწილს.

3. ხელშეკრულების ღირებულება

- 3.1. ხელშეკრულების საერთო ღირებულება შეადგენს 9695 (ცხრა ათას ექვსას ოთხმოცდათხუთმეტი) ლარს.
- 3.2. ხელშეკრულების ღირებულება მოიცავს ხელშეკრულებით გათვალისწინებული მომსახურების მიწოდებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ ყველა გადასახადს, რომელთა გადახდაზეც პასუხისმგებელია მიმწოდებელი.

4. მიწოდების ვადა და ადგილი, მომსახურების მიღება-ჩაბარების წესი

- 4.1. მომსახურების მიღება-ჩაბარებას ახორციელებენ სათანადოდ უფლებამოსილი პირები.
- 4.2. მომსახურების საბოლოო ან/და შუალედური მიღება განხორციელდება, ფაქტიურად გაწეული მომსახურების შესაბამისად გაწეული მომსახურების ღირებულებისა და მოცულობის მითითებით გაფორმებული მიღება-ჩაბარების აქტის საფუძველზე.
- 4.3. შემსყიდველის მხრიდან მომსახურების მიღება-ჩაბარებაზე უფლებამოსილი წარმომადგენელია ხელშეკრულების შესრულების კონტროლის განმახორციელებელი პირები.
- 4.4. შემსყიდველი უფლებამოსილია უარი განაცხადოს უხარისხოდ განხორციელებული მომსახურების მიღებაზე.
- 4.5. მომსახურების მიწოდების ადგილია საქართველო, აჭარის მუნიციპალიტეტები.
- 4.6. მომსახურების მიწოდების ვადაა 2020 წლის 6 თებერვლიდან 17 თებერვლის ჩათვლით პერიოდი;

4.7. ტრანსპორტირების მომსახურების გაწევისას, მიმწოდებელი პასუხს აგებს მგზავრისათვის და/ან შემსყიდველისათვის მიყენებული ზიანისათვის, ასევე მათი ბარგის დაზიანებისა და დაკარგვისათვის.

5. ანგარიშსწორების ფორმა, წესი და ვადები

- 5.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით ხელშეკრულებით გათვალისწინებულ საბანკო რეკვიზიტებზე, ეროვნულ ვალუტაში.
- 5.2. ანგარიშსწორება ხორციელდება შუალედური ან/და საბოლოო მიღება-ჩაბარების აქტის გაფორმებიდან 10 (ათი) საბანკო დღის განმავლობაში. მხარეები თანხმდებიან, რომ შემსყიდველს უფლება აქვს უარი თქვას კონკრეტული მომსახურების ნაწილის შესყიდვაზე საკუთარი საჭიროებისამებრ, ასეთ შემთხვევაში შემსყიდველი არ არის ვალდებული გადაიხადოს განუხორციელებელი მომსახურების შესაბამისი ღირებულება. აღნიშნულიდან გამომდინარე, მიმწოდებელი აცხადებს, რომ მას პრეტენზია არ ექნება აუთვისებელ თანხაზე.
- 5.3. მიმწოდებლის დასაბუთებული მოთხოვნის შემთხვევაში ხელშეკრულების მოქმედების პერიოდში შესაძლებელია საავანსო ანგარიშსწორება ხელშეკრულების ღირებულების არაუმეტეს 50%-ის ოდენობით. საავანსო ანგარიშსწორების შესახებ გადაწყვეტილებას იღებს შემსყიდველი თავისი შეხედულებისამებრ.
- 5.4. საავანსოდ გადასახდელი თანხის უზრუნველყოფისათვის გამოიყენება საქართველოს ეროვნული ბანკის მიერ ლიცენზირებული კომერციული ბანკის ან/და სადაზღვევო კომპანიის მიერ გაცემული უპირობო გარანტიები.
- 5.5. საავანსო გარანტიის (მისი წარმოდგენის შემთხვევაში) მოქმედების ვადა მინიმუმ 30 (ოცდაათი) კალენდარული დღით უნდა აღემატებოდეს ხელშეკრულების მოქმედების ვადას.

6. გარანტია

- 6.1. მიმწოდებელი იძლევა გაწეული მომსახურების საერთაშორისო სტანდარტებისადმი შესაბამისობის გარანტიას.
- 6.2. მიმწოდებლის მიერ ხელშეკრულებით განსაზღვრული მომსახურების ხარისხი, სტანდარტები, ტექნიკური პარამეტრები, ძირითადი მახასიათებლები უნდა შეესაბამებოდეს ხელშეკრულებით განსაზღვრულ პირობებს.
- 6.3. 6.2. პუნქტში აღნიშნული პირობებიდან გადახვევის შემთხვევაში, შემსყიდველი უფლებამოსილია არ მიიღოს მომსახურება ან/და მიმწოდებლის მიმართ გამოიყენოს ამ ხელშეკრულებით და საქართველოს კანონმდებლობით გათვალისწინებული ზომები.
- 6.4. მიმწოდებელი ვალდებულია განახორციელოს უხარისხოდ შესრულებული მომსახურების ან მისი ნაწილის გამოსწორება შემსყიდველის მხრიდან რაიმე დამატებითი დანახარჯის გაწევის გარეშე.
- 6.5. მიმწოდებლის მიერ 6.4. პუნქტით განსაზღვრული ვალდებულების შეუსრულებლობის შემთხვევაში, შემსყიდველს უფლება აქვს თვითონ მიიღოს ზომები წარმოქმნილი დეფექტების გამოსწორებისათვის და მოსთხოვოს მიმწოდებელს ხარჯების ანაზღაურება, ან ეს თანხა გამოქვითოს ხელშეკრულების მიხედვით მიმწოდებლისათვის გადასახდელი თანხიდან.

7. ხელშეკრულების შესრულების კონტროლი

- 7.1. შემსყიდველს უფლება აქვს ხელშეკრულების შესრულების ნებისმიერ ეტაპზე განახორციელოს ხელშეკრულების შესრულების კონტროლი.
- 7.2. ხელშეკრულების შესრულების კონტროლს ახორციელებენ აჭარის ავტონომიური რესპუბლიკის განათლების, კულტურისა და სპორტის მინისტრის მოადგილე აკაკი ძნელაძე, კულტურის დეპარტამენტის უფროსი თამარ გუდავა და კულტურის დეპარტამენტის მეორე კატეგორიის უფროსი სპეციალისტები მადონა თევზაძე და თინათინ დოლიძე.
- 7.3. ხელშეკრულების შესრულების კონტროლი ხორციელდება სისტემატიურად, შემსყიდველის შეხედულებისამებრ.
- 7.4. მიმწოდებელი ვალდებულია საკუთარი ხარჯით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

8. მხარეთა პასუხისმგებლობა ხელშეკრულების პირობების შეუსრულებლობისათვის

8.1. ხელშეკრულებით ნაკისრი ვალდებულებების შესრულების ვადების გადაცილების შემთხვევაში, მხარეს დაეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0.02 პროცენტის ოდენობით.

8.2. შემსყიდველის მიერ ხელშეკრულების შეწყვეტის შემთხვევაში, რაც გამოწვეული იქნება წინამდებარე ხელშეკრულების 11.1. პუნქტის ა;ბ;დ;ე ქვეპუნქტებიდან, მიმწოდებელს დაეკისრება პირგასამტეხლო ხელშეკრულების ღირებულების 10%-ის ოდენობით.

8.3. პირგასამტეხლოს გადახდა არ ათავისუფლებს მხარეს ხელშეკრულებით განსაზღვრული ძირითადი ვალდებულებების შესრულებისაგან.

9. დაუძლეველი ძალა

9.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში მხარე ვალდებულია მეორე მხარეს აცნობოს ვალდებულებების შესრულების შეუძლებლობის შესახებ.

9.2. ამ მუხლის მიზნებისათვის „დაუძლეველი ძალა“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა ან/და მიმწოდებლის შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი.

9.3. თუ მხარე დაუძლეველი ძალის გამო ვერ ასრულებს ვალდებულებებს, მან ამის შესახებ დაუყოვნებლივ, არაუგვიანეს მომდევნო სამუშაო დღისა წერილობით უნდა აცნობოს მეორე მხარეს აღნიშნული გარემოების დადგომის (დასრულების) შესახებ.

9.4. 9.3. პუნქტით განსაზღვრული ვალდებულების შეუსრულებლობის შემთხვევაში, მხარე არ გათავისუფლდება ხელშეკრულებით ნაკისრი ვალდებულებებისაგან.

9.5. მხარეთა ვალდებულებები და პასუხისმგებლობა განახლდება დაუძლეველი ძალის მოქმედების დასრულებისთანავე.

10. ხელშეკრულებაში ცვლილებების შეტანა

10.1. არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა.

10.2. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

10.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

11. ხელშეკრულების შეწყვეტა

11.1. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულების შეუსრულებლობის შემდეგ:

ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მომსახურება ან მისი ნაწილი;

ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;

გ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

დ) თუ მოწოდებული მომსახურების ხარისხი არ შეესაბამება გათვალისწინებულ პირობებს.

ე) საქართველოს კანონმდებლობით გათვალისწინებულ სხვა შემთხვევებში.

11.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

11.3. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

12. სადავო საკითხების გადაწყვეტა

12.1. შემსყიდველმა და მიმწოდებელმა ყველა ღონე უნდა იხმარონ, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

12.2. შეთანხმების მიუღწევლობის შემთხვევაში, ნებისმიერ მხარეს დავის გადაწყვეტის მიზნით შეუძლია საქართველოს კანონმდებლობის შესაბამისად მიმართოს სასამართლოს.

13. სხვა პირობები

13.1. ხელშეკრულება ძალაში შედის მხარეების მიერ ხელმოწერის დღიდან.

13.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე. მესამე პირებთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

13.3. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

13.4. ხელშეკრულება და მასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის შესრულებდა ქართულ ენაზე.

13.5. ხელშეკრულება ხელმოწერილია, შტამპდასმულია ელექტრონული ფორმით.

14. ხელშეკრულების მოქმედების ვადა

ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2020 წლის 31 დეკემბრამდე.

15. მხარეთა რეკვიზიტები

შემსყიდველი:

აჭარის არ განათლების, კულტურისა

და სპორტის სამინისტრო

საქართველო, ქალაქი ბათუმი

გუდიაშვილის ქ. N4

ს/კ 245 427 667



მინისტრის პირველი მოადგილე

ჯემალ სურმანიძე

მიმწოდებელი:

შპს „მარლეი“

საქართველო, ქალაქი ბათუმი

ყაზბეგის 5/7ბ.10

ს/კ 245626979

მფო BAGAGE22

ა/ა GE19BG00 0000 0160 7864 07

დირექტორი

ლეილა სეფერთელაძე

შეყიდვის აღწერილობა

დონისძიება: 6 თებერვლიდან 17 თებერვლის ჩათვლით პერიოდში მიმწოდებელმა უნდა უზრუნველყოს „TAFU-FIIS- მარადიდის ზამთრის სკოლის“ ორგანიზება. კერძოდ:

1. მომსახურება - შოთა რუსთაველის თეატრისა და კინოს სახელმწიფო უნივერსიტეტის ტუტორების და სტუდენტების სასტუმროში განთავსება სამჯერადი კვებით. 4 ერთადგილიანი ნომერი. 2 ორადგილიანი ნომერი; 8 პირი. 11 ღამე. სასტუმრო უნდა მდებარეობდეს ქალაქ ბათუმში. სასტუმროში უზრუნველყოფილი უნდა იყოს ცხელი და ცივი წყლის 24-საათიან რეჟიმში მოწოდება, სასტუმროში დაცული უნდა იყოს უსაფრთხოებისა და სანიტარულ-ჰიგიენური ნორმები (სუფთა თეთრეული, პირსახოცები და სხვა). ყველა ნომერი აღჭურვილი უნდა იყოს ტუალეტითა და შხაპით. სასურველია სასტუმროს გააჩნდეს კვების ობიექტი.

შენიშვნა:

- შემსყიდველს უფლება მოითხოვოს კვების ობიექტის შეცვლა, თუ იგი არ შეესაბამება ზემოაღნიშნულ მოთხოვნებს.
- პროექტის ყველა მონაწილე უნდა განთავსდეს ერთ სივრცეში, ასევე მათი კვება უნდა მოხდეს იდენტური მენიუთი.

2. მომსახურება - ბათუმის სახელმწიფო სასწავლო უნივერსიტეტის 1 ტუტორისა და 4 სტუდენტის ორჯერადი კვება. 11 ღამე.

შენიშვნა: კვების ობიექტები და მენიუ წინასწარ უნდა ეცნობოს შემსყიდველს.

3. მომსახურება - 1 პოლონელი ტუტორისა და 4 პოლონელი სტუდენტის სასტუმროში განთავსება სამჯერადი კვებით. 1 ერთ ადგილიანი ნომერი, 2 ორ ადგილიანი ნომერი. 10 ღამე.

4. მომსახურება: პროექტის კონსულტანტის სასტუმროში განთავსება სამჯერადი კვებით. 1 ერთ ადგილიანი ნომერი. სასტუმრო უნდა მდებარეობდეს ქალაქ ბათუმში. სასტუმროში უზრუნველყოფილი უნდა იყოს ცხელი და ცივი წყლის 24-საათიან რეჟიმში მოწოდება, სასტუმროში დაცული უნდა იყოს უსაფრთხოებისა და სანიტარულ-ჰიგიენური ნორმები (სუფთა თეთრეული, პირსახოცი და სხვა). ნომერი აღჭურვილი უნდა იყოს ტუალეტითა და შხაპით. სასურველია სასტუმროს გააჩნდეს კვების ობიექტი.

5. მომსახურება: პროექტის კონსულტანტის მომსახურება. ვორქშოპის ფარგლებში შეიქმნება კომბინირებული ჯგუფები, რომლებიც გადაიღებენ რამოდენიმე მოკლემეტრაჟიან დოკუმენტურ ფილმს აჭარის მცხოვრებლებზე, დოკუმენტური ფილმების გადაღებას უშუალო ზედამხედველობას გაუწევენ ქართველი და პოლონელი ტუტორები. პროექტის „TAFU-FIIS- მარადიდის ზამთრის სკოლის“ მიზანია საქართველოს შოთა რუსთაველის თეატრისა და კინოს სახელმწიფო უნივერსიტეტის, ბათუმის ხელოვნების სახელმწიფო სასწავლო უნივერსიტეტის და ლომის ეროვნული კინოსკოლის გამოცდილების გაზიარება, კულტურათაშორისი დიალოგების წარმართვა, ნაყოფიერი ურთიერთობის გაღრმავება.

შენიშვნა: კონსულტანტს უნდა გააჩნდეს მსგავს პროექტ(ებ)ში მონაწილეობის გამოცდილება და უნდა იყოს პროფესიით რეჟისორი.

ფასების ცხრილი

სამუშაოს/მომსახურების საჭიროების/ დასახელება	რაოდენობა	ჯამი
შოთა რუსთაველის თეატრისა და კინოს სახელმწიფო უნივერსიტეტის ტუტორების და სტუდენტების სასტუმროში განთავსება სამჯერადი კვებით. 2 ორადგილიანი ნომერი; 4 პირი	11 ღამე	2420
შოთა რუსთაველის თეატრისა და კინოს სახელმწიფო უნივერსიტეტის ტუტორების და სტუდენტების სასტუმროში განთავსება სამჯერადი კვებით. 4 ერთადგილიანი ნომერი, 4 პირი.	11 ღამე	2420
ბათუმის სახელმწიფო სასწავლო უნივერსიტეტის 1 ტუტორისა და 4 სტუდენტის ორჯერადი კვება.	11 ღამე	1100
1 პოლონელი ტუტორის სასტუმროში განთავსება სამჯერადი კვებით. 1 ერთ ადგილიანი ნომერი	10 ღამე	550
4 პოლონელი სტუდენტის სასტუმროში განთავსება სამჯერადი კვებით. 2 ორ ადგილიანი ნომერი.	10 ღამე	2200
პროექტის კონსულტანტის სასტუმროში განთავსება სამჯერადი კვებით. 1 ერთ ადგილიანი ნომერი	11 ღამე	605
პროექტის კონსულტანტის მომსახურება	1 პირი	400
ჯამი		9 695